

Դրամաշնորհային հաշվետվություն N_2_

1. Ընդհանուր տեղեկատվություն

Ծրագրի անվանում	«Տարեց և (կամ) հաշմանդամություն ունեցող անձանց տնային պայմաններում խնամքի ծառայություններ»
Դրամաշնորհի N	1032-11002/2025-ԱՎ
Դրամաշնորհատու կազմակերպություն	ՀՀ ԱՍՀՆ
Դրամաշնորհառու կազմակերպություն	«Արմավիրի զարգացման կենտրոն» ՀԿ
Ծրագրի իրականացման ժամանակահատված	01.01.2025-31.12.2025
Հաշվետու ժամանակահատված	01.04.2025-30.06.2025
Ներկայացման օր	09.07.2025
Հաշվետվության պատասխանատու (անուն, ազգանուն, պաշտոն)	Նաիրա Առաքելյան, ՀԿ Նախագահ

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Ծրագրի հաշվետու ժամանակահատվածում իրականացվել են հետևյալ գործողությունները.

- **Շահառուների կարիքների գնահատում.** Հաշվետու ժամանակահատվածում իրականացվել է 2 շահառուների կարիքների գնահատում համապատասխան մեթոդաբանությամբ, որի արդյունքում ստացել ենք հստակ նկարագիր շահառուի կարիքների վերաբերյալ: Նրանք Արմավիր քաղաքի բնակիչներ են՝ տարեց և հաշմանդամություն ունեցող անձիք:
- **Անհատական սոցիալական ծրագրի մշակում.** Գնահատման արդյունքում սոցիալական աշխատողի գլխավորությամբ մասնագիտական թիմը մշակել է յուրաքանչյուր շահառուի անհատական սոցիալական ծրագիրը: Հաշվի առնելով յուրաքանչյուր շահառուի կարիքները, հնարավորություններն ու առանձնահատկությունները՝ ստեղծվել է հստակ գործողությունների պլան, որի հիման վրա կազմակերպվում և մատուցվում են համապատասխան սոցիալական ծառայություններ:
- **Շահառուների հետ պայմանագրերի կնքում.** Կարիքները գնահատված շահառուների հետ կնքվել են ծառայությունների մատուցման պայմանագիր, որը թույլ է տալիս ունենալ իրավական կարգավորում ծառայություն մատուցողի և ծառայություն ստացողի միջև:
- **Ամենօրյա խնամքի ծառայությունների մատուցում.** Ըստ շահառուների հետ կնքված պայմանագրի, ծառայությունների մատուցման ժամանակացույցի և անհատական սոցիալական ծրագրի՝ ծրագրի հաշվետու ժամանակահատվածում շահառուներին մատուցվել են խնամքի անհրաժեշտ ծառայություններ շահառուների տանը՝ կենցաղային սպասարկում, բժշկական օգնություն և սպասարկում, սոցիալական խորհրդատվության տրամադրում:

Հաշվետու ժամանակահատվածում սոցիալական աշխատողը թիմի աշխատակիցներին ծանոթացրեց նոր ընդունված տարեցների հետ:

Ծանոթացրեց յուրաքանչյուր շահառուի հետ տարվող աշխատանքներին՝ մանրամասնորեն ներկայացնելով նրանց սոցիալական վիճակը, կարիքները և առանձնահատկությունները: Ներկայացրեց աշխատանքի բովանդակությունը, գործառույթները և մասնագիտական պարտականությունները:

Սոցիալական աշխատողը ութ շահառուի համար աջակցել է սոցիալական նպաստի տարեկան փաստագրական գործընթացում՝ անհրաժեշտ փաստաթղթերն ու դիմումները ներկայացնելով Արմավիրի միասնական սոցիալական ծառայություն (ՄՍԾ) ՏԿ:

Հաշվետու ժամանակահատվածում սոցիալական աշխատողը ութ շահառուի համար ներկայացրել է անհրաժեշտ փաստաթղթերը ՄՍԾ՝ եռամսյակային հրատապ օգնություն ստանալու նպատակով:

Սոցիալական աշխատողը աջակցել է մեկ թոշակառուի թոշակի անկանխիկ վճարման եղանակի անցման գործընթացում և երկու տարեց անձի՝ անկանխիկ վճարման եղանակից կանխիկ վճարման եղանակի անցման հարցում:

Մեկ տարեց անձի համար սոցիալական աշխատողը աջակցել է կենսաթոշակային քարտերի փոփոխման բանկային գործընթացներում:

Հաշվետու ժամանակահատվածում սոցիալական աշխատողը աջակցել է երկու տարեց շահառուի՝ ձեռնափայտի տրամադրման համար անհրաժեշտ աջակցության գործընթացում: Նրանց համար պատրաստվել և ներկայացվել են համապատասխան դիմումներ Արմավիրի միասնական սոցիալական ծառայություն: Երկու դիմումներից մեկը բավարարվել է, և շահառուին տրամադրվել է աջակցող միջոց (ձեռնափայտ): Երկրորդ դիմումը մերժվել է՝ հաշմանդամության կարգի բացակայության հիմքով:

Հաշվետու ժամանակահատվածում երկու տարեց անձի տրամադրվել է մարզպետարանի աջակցությամբ տրամադրված քարտ, որի միջոցով ձեռք է բերվել սնունդ:

Սոցիալական աշխատողի միջնորդությամբ 6 տարեց անձի Կարմիր Խաչից տրամադրվել է սննդի և հիգիենայի փաթեթ:

Բուժքույրերի կողմից կազմակերպվել է բժշկի կոնսուլտացիա, լաբորատոր հետազոտություններ, սրտաբանի, ԼՕՌ բժշկի կոնսուլտացիա, անալիզների ընդունում, ինչպես նաև միջմկանային ներարկումներ և ներերակային ներարկումներ բժշկի ցուցումով: Բուժքույրը կազմակերպել է երեք տարեցի արյան

լաբորատոր հետազոտություն տնային պայմաններում բժշկի նշանակումով:

Բուժքույրերը սոցիալական աշխատողի հետ միասին հինգ տարեց անձի ուղեկցել են հիվանդանոց հետազոտման նպատակով: Կատարվել են լաբորատոր հետազոտություններ, ինչպես նաև նյարդաբանի, ոսկրաբանի, ականջաբանի, գինեկոլոգի, մաշկաբանի և տեղամասային բժշկի կոնսուլտացիաներ: Մեկ տարեցի համար բժշկի կողմից նշանակվել է դեղորայքային կոմպլեքս բուժում ոսկրամկանային համակարգի համար: Կատարվել է տնային պայմաններում միջմկանային ներարկում 15 օր:

Երեք տարեց անձի ուղեկցել են տեղամասային պոլիկլինիկա՝ ոսկրաբանի և ականաբույժի կոնսուլտացիա, կատարվել է ռենտգեն հետազոտություն կոնքի և ազդրի հատվածներում: Ոսկրաբանի կողմից նշանակվել է դեղորայքային բուժում, կատարվել է ներերակային ներարկում 7 օր: Կազմակերպվել է սրտաբանի տնային այց, կատարվել է սրտի ուլտրաձայնային հետազոտություն:

Սոցիալական աշխատողը և բուժքույրը կազմակերպել են երկու տարեց անձի ստացիոնար բուժումը: Արմավիրի ԲԿ-ում տարեցների սննդի ապահովման հարցը կազմակերպվել է բուժքրոջ և սոցիալական աշխատողի կողմից:

Հաշվետու ժամանակահատվածում մեկ տարեց շահառու տանը ստացել է լուրջ վնասվածք: Սոցիալական աշխատողի անհապաղ արձագանքման շնորհիվ շահառուն շտապօգնության մեքենայով տեղափոխվել է հիվանդանոց: Բժշկական կենտրոնում կատարվել են համապատասխան հետազոտություններ, որոնց արդյունքում հաստատվել է ծնկի կոտրվածքի առկայությունը: Տարեցը ստացել է անհրաժեշտ բուժօգնություն, ներառյալ վնասվածքի ֆիքսում, և տեղափոխվել է տուն՝ հետագա խնամքի նպատակով: Սակայն մի քանի օր անց նրա առողջական վիճակը կտրուկ վատացել է, և, ցավոք, արձանագրվել է մահ:

Ծրագրի շրջանակներում բուժքույրերը շարունակում են տեղամասային պոլիկլինիկայից անվճար ստանալ համապատասխան դեղորայք:

Կենցաղային աշխատողները իրականացնում են շահառուի անհատական պլանով նախատեսված այցելություններ, կատարում են կենցաղային սպասարկում՝ տան մաքրություն, գնումներ, սննդի պատրաստում և այլ գործողություններ՝ անհատական կարիքներին համապատասխան:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Ծրագրային բոլոր գործողությունները հաշվետու ժամանակահատվածում իրականացվել են համաձայն աշխատանքային պլանի:

Հաշվետու ժամանակահատվածում իրականացվել են ծրագրային նախատեսված արդյունքները հետևյալ չափով.

- Ամսական 48 տարեց և հաշմանդամություն ունեցող անձանց տնային խնամքի ծառայությունների մատուցում,
- Սոցիալական ծառայության տրամադրում խնամքի կարիք ունեցող, կյանքի դժվարին իրավիճակում հայտնված՝ տարեց և/կամ հաշմանդամություն ունեցող 18 տարին լրացած անձանց:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Հաշվետու ժամանակահատվածում մատուցվող ծառայությունների մասին տեղեկատվություն է դրվել ԱԶԿ ՀԿ-ի սոցիալական էջում.

<https://www.facebook.com/watch/?v=1242216704183839>

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

Հաշվետու ժամանակահատվածում ծրագրի իրականացման խոչընդոտներ չեն գնահատվել:

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

Շահառուների ցուցակը կցված է հաշվետվությանը:

- Ծառայությունների մատուցում խնամքի կարիք ունեցող, կյանքի դժվարին

իրավիճակում հայտնված՝ տարեց և/կամ հաշմանդամություն ունեցող 18 տարին լրացած անձանց,

- Նոր շահառուների դեպքում՝ կարիքների գնահատում, անհատական սոցիալական ծրագրի կազմում, պայմանագրերի կնքում:

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

Ծրագրի շրջանակում համագործակցում ենք հովանավորների հետ, ովքեր մեր տարեցներին ծննդյան օրերին նվիրում են անվճար տորթեր, կտրում ու խնամում նրանց մազերը: Ունենք նաև հովանավորներ, ովքեր նվիրում են գեղեցիկ ծաղիկներ և հագուստ: